

第六二四冊

理學彙編

文學典

文學名家列傳

(卷)
三十四

古今圖書集成

中華書局影印

欽定古今圖書集成理學彙編文學典

第三十二卷目錄

文學名家列傳二十

南齊二

崔慰祖

張融

謝朓

劉勰

陸厥

孔稚圭

賈淵

王遵之

周顒

陸澄

祖冲之

謝朓

卞彬

劉繪

文學典第三十二卷

文學名家列傳二十

南齊二

崔慰祖

按南齊書文學傳慰祖字悅宗清河東武城人也父慶緒末明中爲梁州刺史慰祖解褐奉朝請父喪不食鹽母曰汝既無兄弟又未有子嗣毀不減性政當不進有羞耳如何絕鹽吾今亦不食矣慰祖不得已從之父梁州之資家財千萬散與宗族漆器題爲日

字日字之器流乎遠近料得父時假真文疏爾族子紘曰彼有自當見還彼無吾何言哉悉火焚之好學聚書至萬卷鄰里年少好事者來從假借日數十卷慰祖親自取與未嘗爲辭爲始安王撫軍墨曹行參軍轉刑獄兼記室遙光好基數召慰祖對戲慰祖輒辭拙非期望不見也建武中詔舉士從兄慧景舉慰祖及平原劉孝標並碩學帝欲試以百里慰祖辭不就國子祭酒沈約吏部郎謝朓嘗於吏部省中賓友俱集各問慰祖地理中所不悉十餘事慰祖口吃無華辭而酬據精悉一座稱服之朓歎曰假使班馬復生無以過此慰祖賣宅四十五萬買者云寧有減不答曰誠慙韓伯休何容二價買者又曰君但責四十六萬一萬見與慰祖曰是即同君欺人豈是我心乎少與侍中江祀款及祀貴常來候之而慰祖不往也與丹陽丞劉渢素善遙光據東府反慰祖在城內城未潰一日渢謂之曰卿有老母宜其出矣命門者出之慰祖詣闕自首繫尚方病卒慰祖著海岱志起太公迄西晉人物爲四十卷半未成臨卒與從弟緯書云常欲更注還固二史採史漢所漏二百餘事在廚篋可檢寫之以存大意海岱志良未周悉可寫數本付護軍諸從事人一通及友人任昉徐寅劉洋裴授又令以棺親土不須碑勿設靈座時年三十五

王遵之

按南齊書文學傳遵之字宣約琅邪臨沂人也父祖皆爲郡守遵之少禮學博聞起家江夏王國常侍大司馬行參軍章安令累至始安內史不之官除山陽王驛騎參軍兼治書御史安成國郎中吳令昇明末

右僕射王儉重儒術遵之以著作郎兼尚書左丞參定齊國儀禮初儉撰今喪服集記遵之難儉十一條更撰世行五卷轉國子博士國學久廢建元二年遵之先上表立學又兼著作撰未明起居注轉通直常侍驍騎將軍領博士著作如故出爲寧朔將軍南康相大中光祿大夫加侍中遵之率素衣裘不滌機案塵黑年老手不釋卷建武二年卒從弟珪之有史學撰齊職儀未明九年其子中軍參軍顒上啓曰臣亡父故長水校尉珪之藉素爲基休儒習性以宋元徽二年被勅使纂集古設官歷代分職凡在墳策必盡詳究是以等級掌司咸加編錄黜陟遷補悉該研記述章服之差兼冠佩之飾屬值啓運軌度維新故太宰臣淵奉宣勅旨使速洗正刊定未畢臣私門凶禍不揜庸微謹冒啓上凡五十卷謂之齊職儀仰希永升天閣長銘祕府詔付祕閣

張融

按南齊書本傳融字思光吳郡吳人也祖禕管琅邪王國郎中令父暢太倉督太守融年弱冠道士同郡陸修靜以白鷺羽塵尾扇遺融曰此既異物以奉異人宋孝武聞融有早譽解褐爲新安王北中郎參軍孝武起新安寺條佐多觀錢帛融獨觀百錢曰融殊貧當序以佳祿出爲封溪令從叔永出後渚送之曰似聞朝旨汝尋當還融曰不患不還政恐還而復去廣越嶂嶮嶮融將殺食之融神色不動方作洛生誅賊吳之而不害也浮海至交州於海中作海賦曰蓋言之用也情矣形乎使天形資內敷情敷外資者言之業也吾遠職荒官將海得地行關入浪宿

侶竝輪翻羣飛關隘繚流浦照文甌夫人微亮氣小白如淋涼空澄遠層漢無陰照天容於鯢清鏡河色於鈔潯括蓋餘以進廣浸夏洲以洞深形每驚而義維靜跡有事而道無心於是乎山海藏陰臺塵入岫天英徧華日色盈秀則若士神中琴高道外袖輕羽以衣風逸元裾於雲帶延秋月於源潮帳春霞於秀瀾麗蓬萊之靈岫望方壺之妙樹樹遏日以飛柯嶺回峯以蹴月空居無俗素館何塵谷門風道林路雲真乃若幽崖隄于南險隄之窮駛波虎浪之氣激勢之所不攻有卉有木爲灌爲叢路綵網羅結葉相籠通雲交拂連韻共風蕩洲嶺角去岸而千里若崩衝崖沃島其萬國如戰振駭氣以雷奮飛雄光以倒電若夫增雲不氣流風斂聲瀾文復動波色還驚明月何遠沙裏分星至其積珍全遠架寶論深瓊池玉壑珠岫珣岑合日開夜舒月解陰珊瑚開纈瑤瑤鍊華丹文鏡色維照冰霞洪洪潰潰浴干日月淹漢星墟滲河天界風何本而自生雲無從而空滅龍麗色以拂煙鏡懸輝以照雪爾乃方員去我混然落情氣暄而濁化靜自清心無終故不滯志不敗而無成既覆舟而載舟固以死而以生弘芻狗于人獸導至本以充形雖萬物之日用諒何緯其何經道湛天初機茂形外亡有所以而有非膠有於生末亡無所以而無信無心以入太不動動是使山岳相崩不聲聲故能天地交泰行藏處於用舍應感亮於圓會仁者見之謂之仁達者見之謂之達晤者幾於上善吾信哉其爲大矣融文辭詭激獨與衆異後還京師以示鎮國將軍顧凱之凱之曰卿此賦實超元虛但恨不道鹽

耳融即求筆注之曰澆沙構白貉波出素積雪中春飛霜暑路此四句後所足也凱之與融兄有恩好凱之卒融身負墳土在南與交趾太守十展有舊展于嶺南爲人所殺融挺身奔赴舉秀才對策中第爲尚書殿中郎不就爲儀曹郎泰始五年明帝取荆湘雍四州射手叛者斬亡身及家長者家口沒奚官元徵初鄂州射手有叛者融議家人家長罪所不及亡身刑五年尋請假奔叔父喪道中罰幹錢敬道鞭杖五十寄繫延陵獄大明五年制二品清官行儉幹杖不得出十爲左丞孫綽所奏免官尋復位攝祠倉部二曹領事劉劭戰死祠曹議上應哭勸不融議宜哭於是始舉哀倉曹又以正月俗人所忌太倉爲可開不融議不宜拘小忌尋兼掌正府融見宰殺回車徑去自表解職爲安成王撫軍倉曹參軍轉南陽王友融父暢先爲丞相長史義宣事難暢爲王元謨所錄將殺之元謨子瞻爲南陽王前軍長史融啓求去官不許融家貧願祿初與從叔征北將軍末書曰融昔稱幼學早訓家風雖則不敏率以成性布衣革席弱年所安簞食瓢飲不覺不樂但世業清貧民生多待棹栗棗脩女贊既長束帛禽鳥男禮已大勉身就官十年七仕不欲待耕何至此事昔求三吳一丞雖屬舛錯今聞南康缺守願得爲之融不知階級階級亦可不知融政以求丞不得所以求郡求郡不得亦可復求丞又與吏部尚書王僧虔書曰融天地之逸民也進不辨貴退不知賤兀然造化忽如草木實以家貧累積孤寡傷心八姪俱孤二弟頗弱撫之而感古人以悲豈能山海陋祿申融情累阮籍愛東平土風

融亦欣晉平關外時議以融非治民才竟不果辟太祖太傅掾歷驛驛豫章王司空諮議參軍遷中書郎非所好乞爲中散大夫不許融風止謫越坐常危滕行則曳步翹首仰身意制甚多隨例同行常稽遲不進太祖素奇愛融爲太尉時時與融款接見融常笑曰此人不可無一不可有二卽位後手詔賜融衣曰見卿衣服粗故識乃素懷有本交爾藍縷亦虧朝望今送一通故衣意謂雖故乃勝新也是吾所著已令裁減稱卿之體并履一量融與吏部尚書何遜善往詣戲誤通尚書劉澄融下車入門乃曰非是至戶外望澄又曰非是既造席視澄曰都自非是乃去其爲異如此又爲長沙王鎮軍竟陵王征北諮議並領記室司徒從事中郎永明二年總明觀講勅朝臣集聽融扶入就榻私索酒飲之難問既畢乃長歎曰嗚呼仲尼獨何人哉爲御史中丞到爲所奏免官尋復融形貌短醜精神清激王敬則見融革帶垂寬殆將至幣謂之曰革帶太急融曰既非步吏急帶何爲融假東出世祖問融往在何處融答曰臣陸處無屋舟居非水後日上以問融從兄緒緒曰融近東出未有居止權牽小船於岸上住上大笑虜中聞融名上使融接北使李道固就席道固顧之而言曰張融是宋彭城長史張暢子不融頓覺久之曰先君不幸名達六夷豫章王大會賓僚融食炙始行舉行人便去融欲求鹽蒜口終不言方搖食指半日乃息出入朝廷皆拭目驚觀之八年朝臣賀策瑞公事融扶入拜起復爲有司所奏見原遷司徒右長史竟陵張欣時爲諸暨令坐罪當死欣時父興世宋世討南譙王義宣

官軍欲殺融父暢興世以袍覆暢而坐之以此得免興世卒融著高履負土成墳至是融啓竟陵王子良乞代欣時死子良答曰此乃是長史美事恐朝有常典不得如長史所懷還黃門郎太子中庶子司徒左長史融有孝義忌月三句不聽樂事嫂甚謹宋丞相義宣起事父暢以不同將見殺司馬竺超民諫免之暢臨終謂諸子曰昔丞相事難吾緣竺司馬得活爾等必報其子弟後超民孫微冬月遭母喪居貧融往弔之悉脫衣以爲賻披牛被而反常以兄事微豫章王竟陵王子良薨自以身經佐吏哭輒盡撫建武四年病卒年五十四遣令建白旌無旒不設祭令人捉塵尾登屋復魂曰吾生平所善自當凌雲一笑三千買棺無製新衾左手執孝經老子右手執小品法華經妾二人哀事畢各遣還家又曰以吾平生之風調何至使婦人行哭失聲不須暫停聞開融元義無師法而神解過人白黑談論鮮能抗拒永明中遇疾爲問律自序曰吾文章之體多爲世人所驚汝可師耳以心不可使耳爲心師也夫文豈有常體但以有體爲常政當使常有其體丈夫當刪詩書制禮樂何至因循寄人簾下且中代之文道體闊變尺寸相資彌縫舊物吾之文章體亦何異何嘗顯溫涼而錯寒暑綜哀樂而橫歌哭哉政以屬辭多出比事不羈不阡不陌非途非路耳然其傳音振逸鳴節疎韻或當未極亦已極其所矣汝若復別得體者吾不拘也吾義亦如文造次乘我顛沛非物吾無師無友不文不句頗有孤神獨逸耳義之爲用將使性入清波塵洗猶沐無得釣聲同利舉價如高俾是道場險成軍路

吾昔嗜僧言多肆法辯此盡遊乎言笑而汝等無幸又云人生之口正可論道說義惟飲與食此外如樹網焉吾每以不爾爲恨爾曹當振綱也臨卒又戒其子曰手澤存焉父書不讀况父音情婉在其韻吾意不然別遺爾音吾文體英絕變而屢奇既不能遠至漢魏故無取嗟晉宋豈吾天挺蓋不隕家聲汝若不看父祖之意欲汝見也可號哭而看之融自名集爲玉海司徒褚淵問玉海名融答玉以比德海崇上善文集數十卷行于世張氏知名前有敷演鏡暢後有充融卷稜

周顒

按南齊書本傳顒字彥倫汝南安城人晉左光祿大夫顒七世孫也祖虎頭員外常侍父恂歸鄉相顒少爲族祖朗所知解褐海陵國侍郎益州刺史蕭惠開賞異顒攜入蜀爲萬鋒將軍帶肥鄉成都二縣令轉惠開輔國府參軍將軍令如故仍爲府主簿常謂惠開性太險峻每致諫惠開不悅答顒曰天險地險王公設險但問用險何如耳隨惠開還都宋明帝顒好言理以顒有辭義引入殿內親近宿直帝所爲慘毒之事顒不敢顯諫輒誦經中因緣罪福事帝亦爲之小止轉安成王撫軍行參軍元徽初出爲剡令有恩惠百姓思之還歷御陵王南中郎三府參軍太祖輔政引接顒顒善尺牘沈攸之送絕交書太祖口授令顒裁答轉齊臺殿中郎建元初爲長沙王參軍後軍參軍山陰令縣舊訂滂氏以供雜使顒言於太守聞喜公子良曰竊見滂氏之困因實極矣役命有常祇應轉竭蹶迫驅催莫安其所險者或實避山湖困者

自經溝瀆爾亦有摧骨斷手苟自殘落販傭貼子權赴急難每至滂使發動遲赴常促輒有粗杖被錄籍類階垂泣涕告哀不知所振下官未嘗不臨食罷筋當書偃筆爲之久之愴不能已交事不濟不得不就加捶罰見此辛酸時不可過山陰邦治事倍餘城然略聞諸縣亦處處皆頭唯上虞以百戶一滂大爲優足過此列城不無凋聲宜應有以普救倒懸設流開便則轉患爲功得之何遠還爲文惠太子中軍錄事參軍隨府轉征北文惠在東官顒還正員郎始興王前軍諮議直侍殿省復見實遇顒音辭辯麗出言不窮宮商朱紫發口成句汎涉百家長於佛理著三宗論立空假名立不空假名設不空假名難空假名設空假名難不空假名假名空難二宗又立假名空西涼州智林道人遺顒書曰此義旨趣非始開妙聲中絕六七十載貧道年二十時便得此義竊每歡喜無與共之年少見長安耆老多云關中高勝乃舊有此義當法集盛時能深得斯趣者本無多人過江東略是無一貧道捉麈尾來四十餘年東西講說謬重一時餘義頗見宗錄唯有此塗白黑無一人得者爲之發病非意此音猥來入耳始是眞實行道第一功德其論見重如此顒於鍾山立隱舍休沐則歸之轉太子僕兼著作撰起居注遷中書郎兼著作如故常遊侍東宮少從外氏車騎將軍威質家得衛恆散隸書法學之甚工文惠太子使顒書元圃茅齋壁國子祭酒何引以倒雜書求就顒損之顒笑而答曰天下有道丘不與易也每賓友會同顒虛席語辭韻如流聽者忘倦兼善老易與張融相遇輒以元言相

滯彌日不解清貧寡欲終日常蔬食雖有妻子獨處山舍衛將軍王儉謂顒曰卿山中何所食顒曰赤米白鹽綠葵紫蓼文惠太子問顏菜食何味最勝顒曰春初早韭秋末晚菘時何引亦猶信佛法無妻妾太子又問顒卿精進何如何引顒曰三塗八難共所未免然各有其累太子曰所累伊何對曰周妻何肉其言辭應變皆如此也轉國子博士兼著作如故太學諸生慕其風爭事華辯後何引言斷食生猶欲食肉白魚鮓脯糖蟹以爲非見生物疑食蛇蠍使學生議之學生鍾岷曰鮓之就脯驟於屈伸蟹之將掃蹂擾彌甚仁人用意深懷如但至於車螯蝓蠅目內闕慙渾沌之奇礪殼外絨非金人之慎不悴不榮會草木之不若無聲無臭與瓦礫其何算故宜長充庖廚未爲口實竟陵王子良見岷議大怒引兄點亦通節清信顒與書勸令菜食曰丈人之所以未極遐蹈或在近不近全菜耶脫離離析之計鼎俎網罟之典載策其來實遠誰敢干議觀聖人之設膳脩仍復爲之品節蓋以茹毛飲血與生民共始終而勿裁將無厓畔善爲士者豈不以恕己爲懷是以各靜封疆同相陵軼況乃變之大者莫過死生生之所重無倫性命性命之於彼極切滋味之在我可除而終身朝輔資之以味彼就殘殘莫能自列我業久長吁哉可畏且區區微卵脆薄易於歆彼弱應顧步宜慈觀其飲啄飛行人應憐悼況可心心撲撲加復恣忍吞嚼至乃野牧盛羣開餐重圍肉揣毛以換枝刺如土委地食謂常理百爲偷息事豈一塗若云三生理誣則幸矣更快如使此道果然而形未息則一往一來一生一

死輪迴是常事雜報如家人天如客遇客日抄在家日多吾儕信業未足長免則傷心之慘行亦息念丈人於血氣之類雖無身賤至於晨晷夜鯉不能不取備屠門財貝之經盜手爲廉士所棄生性之一啓鸞刀寧復慈心所忍騶虞雖飢非自死之草不食聞其風者豈不使人多愧衆生之稟此形質以畜肌膚皆由其積壅凝迷沈流莫反報受穢濁歷苦酸長此甘與肥皆無明之報聚也何至復引此滋腴自汗腸胃丈人得此有素聊復寸言發起耳願卒官時會王儉講孝經未畢舉晏濟自代學者榮之官爲給事中

謝淪

按南齊書本傳淪字義潔陳郡陽夏人也祖弘微宋太常父莊金紫光祿大夫淪四兄颺臚顯提世謂謝莊名兄爲風月景山水顯字仁悠少簡靜解褐祕書郎累至太祖驛騎從事中郎建元初爲吏部郎至太尉從事中郎永明初高選文學以顯爲竟陵王友至北中郎長史卒淪年七歲王或見而異之言於宋孝武孝武召見於稠人廣衆之中淪舉動閑詳應對合旨帝甚悅詔尚公主植景和敗事寢僕射褚淵聞淪年少清正不惡以女結婚厚爲資送解褐車騎行參軍遷祕書郎司徒祭酒丹陽丞撫軍功曹世祖爲中軍引爲記室齊臺建還太子中舍人建元初轉桂陽王友以母老須養出爲安成內史還爲中書郎衛軍王儉引爲長史雅相禮遇除黃門郎兼掌吏部尋轉太子中庶子領驍騎將軍轉長史兼侍中淪以晨昏有廢固辭不受世祖勅令速拜別停朝直還司徒左長史出爲吳興太守長城縣民盧道優家遭劫誣同

縣殷孝悌等四人爲劫淪收付縣獄考正孝悌母略詣登聞訴稱孝悌爲道優所誣誘橫劫爲劫一百七十三人連名保徵在所不爲申理淪聞孝悌母訴乃啓建康獄覆道優理窮款首依法斬刑有司奏免淪官淪又使典藥吏煮湯失火燒郡外齊南廂屋五間又輒鞭除身爲有司所奏詔竝贖論在郡稱爲美績母喪去官服闋爲吏部尚書高宗廢鬱林領兵入殿左右驚走報淪淪與客圍碁每下子輒云其當有意竟局乃還齋臥竟不問外事也明帝即位淪又屬疾不視事後上譙會功臣上酒尚書令王晏等典席淪獨不起曰陛下受命應天順民王晏安叨天功以爲己力上大笑解之座罷晏呼淪共載還令省欲相撫悅淪又正色曰君巢窟在何處晏初得班劍淪謂之曰身家太傳裁得六人君亦何事一朝至此晏甚憚之加領右將軍將軍兄臚在吳興論啓公事稽晚淪輒代爲啓上見非其手迹被問見原轉侍中領太子中庶子豫州中正永泰元年轉散騎常侍太子詹事其年卒年四十五贈金紫光祿大夫諡簡子初兄臚爲吳興淪於征虜渚送別臚指淪口曰此中唯宜飲酒淪建武之初專以長酣爲事與劉瓛沈昭略以觴酌交飲各至數斗世祖嘗問王儉當今誰能爲五言詩儉對曰謝臚得父膏腴江淹有意上起禪靈寺勅淪撰碑文

陸澄

按南齊書本傳澄字彥淵吳郡吳人也祖卻臨海太守父瑗州從事澄少好學博覽無所不知行坐眠食手不釋卷起家太學博士中軍衛軍府行佐太宰參

軍補太常丞郡主簿北中郎行參軍宋泰始初爲尚書殿中郎議皇后諱及下外皆依舊稱姓左丞徐爰案司馬孚議皇后不稱姓春秋逆王后于齊澄不引典據明而以意立議坐免官白衣領職郎官舊有坐杖有名無實澄在官積前後罰一日并受千杖轉通直郎兼中書郎尋轉兼左丞泰始六年詔皇太子朝賀服袞冕九章澄與儀曹郎丘仲起議服冕以朝實著經文秦除六冕漢明還備魏晉以來不欲令臣下服袞冕故位公者加侍官今皇太子禮絕羣后宜遵聖王盛典章近代之制尋轉著作正員郎兼官如故除安成太守轉劉韞撫軍長史加綬遠將軍襄陽太守並不拜仍轉劉秉後軍長史東海太守遷御史中丞建元元年驃騎諮議沈憲等坐家奴客爲劫子弟被劫憲等晏然左丞任遐奏澄不糾請免澄官澄上表自理曰周稱舊章漢言故事爰自河雒降逮淮海朝之憲度動尚先准若乃任情違古率意專造豈謂酌諸故實擇其茂典與典選啓彈新除諮議參驃騎大將軍軍事沈憲太子庶子沈驥并弟息勅付建康而憲被使贖受假俱無歸罪事狀臣以不糾憲等爲失伏尋晉宋左丞案奏不乏於時其及中丞者從來殆無王獻之習達朝章近代之宗其爲左丞彈司徒屬王濛憚罰自解屬疾遊行初不及中丞桓祕不奔山陵左丞鄭襲不彈祕直彈中丞孔欣時又云別攝蘭臺檢校此徑彈中丞之謂唯左丞庚登之奏鎮北檀道濟北伐不進致虎牢陷沒番岳宰臣引咎謝讐而責帥之劾會莫奏聞請收治道濟免中丞何萬歲夫山陵情敬之極北伐事征之大祕霸李之貴道濟元

勳之盛所以答及南司事非常憲然祕事猶非及中丞也今若以此為例恐人之貴賤事之輕重物有其倫不可相方左丞江與彈劾景文又彈裴方明左丞甄法崇彈蕭珍又彈杜驥又彈段國又彈范文伯左丞羊元保又彈蕭汪左丞殷景熙彈張仲仁兼左丞何承天彈呂萬齡並不歸罪皆為重劾凡茲十彈差是憲曠之比悉無及中丞之議左丞荀萬秋劉藏江論彈王僧朗王雲之陶寶度不及中丞最是近例之明者謚彈在今龜苞之後事行聖照遠取十奏近徵二案自宜依以為體豈得捨而不遵臣竊此人乏謬奉國憲今遇所糾既行一時若默而不言則向為來准後人被繩方當追請素餐之責貽塵千載所以備舉顯例引通國典雖有愚心不在微躬請出臣表付外詳議若所陳非謬裁由天鑒詔委外詳議尚書令稽滄奏宋世左丞荀伯子彈彭城令張道欣等坐界劫累發不禽免道欣等官中丞王淮不糾亦免官左丞羊元保彈豫州刺史管義之譙梁羣盜免義之官中丞傅隆不糾亦免隆官左丞羊元保又彈兗州刺史鄭從之蓋上布及加課租綿免從之官中丞傅隆不糾免隆官左丞陸展彈建康令丘孫珍丹陽尹孔山士却發不禽免珍孫山士官中丞何助不糾亦免助官左丞劉驥彈青州刺史劉道隆失火燒府庫免道隆官中丞蕭惠開不糾免惠開官左丞徐爰彈右衛將軍薛安都屬疾不直免安都官中丞張永結免澄護聞庸見貽撓後昆上掩皇明下籠朝議請以見事免澄所居官詔曰澄表據多謬不足深劾可白衣領職明年轉給事中祕書監遷吏部四年復為祕書

監領國子博士遷都官尚書出為輔國將軍鎮北鎮軍二府長史廷尉領驍騎將軍永明元年轉度支尚書尋領國子博士時國學置鄭王易杜服春秋何氏公羊糜氏穀梁鄭元孝經澄謂尚書令王儉曰孝經小學之類不宜列在帝典乃與儉書論之曰易近取諸身遠取諸物彌天地之道通萬物之情自商瞿至田何其間五傳年未為遠無訛雜之失秦所不焚無崩壞之弊雖有異家之學同以象數為宗數百年後乃有王弼王濟云弼所悟者多何必能頓廢前儒若謂易道盡於王弼方須大論意者無乃仁智殊見四道異傳無體不可以一體求屢遷不可以一遷執也晉太興四年太常荀崧請置周易鄭元注博士行乎前代於時政由王庾皆備神清識能言元遠捨輔嗣而用康成豈其妄然泰元立王肅易當以在元弼之間元嘉建學之始元弼兩立逮顏延之為祭酒黜鄭置王意在貴元事成敗儒今若不大弘儒風則無所立學衆經皆儒惟易獨元元不可棄儒儒不可缺謂宜並存所以合無體之義且弼於注經中已舉繁辭故不復別注今若專取弼易則繁說無注左氏泰元取服虔而兼取賈逵經服虔無經雖在注中而傳又有無經者故也今舊服而去賈則經有所闕按杜預注傳王弼注易俱是晚出竝貴後生杜之異古未如王之奪實祖述前儒特舉其違又釋例之作所引惟深穀梁泰元舊有廉信注頗益以范甯廉詹如故頗論閏分范注當以同我者親常謂穀梁公羊為注者又不盡善竟無及公羊之有何休恐不足兩立必謂范善便當除廢世有一孝經題為鄭元注觀其用辭

不與注書相類按元自序所注衆書亦無孝經儉答曰易體微遠實貫羣籍施孟異聞周韓殊旨豈可專據小王便為該備依舊存鄭高同來說元凱注傳超邁前儒若不列學官其可廢矣賈氏注經世所罕習穀梁小書無俟兩注存糜略率率由舊式凡此諸義竝同雅論疑孝經非鄭所注僕以此書明百行之首實人倫所先七略藝文並陳之六藝不與蒼頡凡將之流也鄭注虛實前代不嫌意謂可安仍舊立置儉自以博聞多識讀書過澄澄曰僕年少來無事唯以讀書為業且年已倍令君少便執筆王務雖復一覽便諳然見卷軸未必多僕儉學士何惠等盛自商略澄待儉語畢然後談所遺漏數百千條皆儉所未覩儉乃歎服儉在尚書省出巾箱凡案雜服飾令學士隸事事多者與之人人各得一兩物澄後來更出諸人所不知事復各數條并奪物將去轉散騎常侍祕書監吳郡中正光祿大夫加給事中中正如故尋領國子祭酒以竟陵王子良得古器小口方腹而底平可將七八升以問澄澄曰此名服匿單于以與蘇武子良後詳視器底有字髣髴可識知澄所言隆昌元年以老疾轉光祿大夫加散騎常侍未拜卒年七十澄靖子當世稱為碩學讀易三年不解文義欲撰宋書竟不成王儉戲之曰陸公書廚也家多墳籍人所罕見撰地理書及雜傳死後乃出澄弟鮮得罪宋世當死澄於路見舍人王道隆叩頭流血以此見原揚州主簿顧測以兩奴就鮮質錢鮮死子暉誣為賣券澄為中丞測與書相往反後又賤與太守蕭緬云澄欲遂子弟之非未近義方之訓此趨販所不

爲況精神領袖宗勝達子測遂爲澄所排抑世以此少之時東海王攜亦史學博聞歷尚書左丞竟陵王子良校試諸學士唯摛問無不對末明中天忽黃色照地衆莫能解摛云是榮光世祖大悅用爲末陽郡

劉瓛

按南齊書本傳瓛字子珪沛國相人晉丹陽尹恢六世孫也祖弘之給事中父惠治書御史職初州辟祭酒主簿宋大明四年舉秀才兄瓛亦有名先應州舉至是別獨東海王元會與瓛父惠書曰此歲賢子充秀州國可謂得人除奉朝請不就少爲學博通五經聚徒教授常有數十人丹陽尹袁粲於後堂夜集瓛在座粲指庭中柳樹謂瓛曰人謂此是劉尹時樹每想高風今復見卿清德可謂不衰矣粲爲祕書郎不見用除邵陵王郡主簿安陸王國常侍安成王撫軍行參軍公事免瓛素無宦情自此不復仕除車騎行參軍南彭城郡丞尚書祠部郎郎並不拜袁粲誅瓛徵服往哭并致賻助太祖踐阼召瓛入華林園談語謂瓛曰吾應天命物議以爲何如瓛對曰陛下誠前軌之失加以寬厚雖危可安若循其覆轍雖安必危矣既出帝顧謂司徒褚淵曰方直乃爾學士故自過人救瓛使數入而瓛自非詔見未嘗到宮門上欲用瓛爲中書郎使吏部尚書何故喻旨哉淵曰上意欲以鳳池相處恨君資輕可且就前除少日當轉國子博士便即後授瓛曰平生無榮進意今聞得中書郎而拜豈本心哉後以母老闕養重拜彭城郡丞謂司徒褚淵曰自省無廊廟之才所願唯保彭城丞

耳上又以瓛兼總明觀祭酒除豫章王驃騎記室參軍丞如故瓛終不就武陵王暕爲會稽太守上欲令瓛爲聘講除會稽郡丞學徒從之者轉衆末明初竟陵王子良請爲征北司徒記室瓛與張融王思遠書曰奉教使恭召會當停公事但念生平素抱有乖思顧吾性拙人固不習仕進昔嘗爲行佐便以不能及公事免黜此皆眷者所共知也量已審分不敢期榮風嬰貧困加以疎懶衣裳容髮有足駭者中以親老供養寡徒步脫爾逮今二代一紀先朝使其更自修正勉厲於階級之次見其縉纓或復賜以衣裳哀諸諸公咸加勸勵終不能自反也一不復爲安可重爲哉昔人有以冠一免不重加於首每謂此得進止之儀古者以賢制爵或有秩滿而辭老以庸制祿或有身病而求歸者未瞻前良在己何若又上下年尊益不願居官次廢晨昏也先朝爲此曲申從許故得連年不拜榮授而帶帖薄祿既習此歲久又齒長疾侵豈宜攝齋河間之聽廁迹東平之僚本無絕俗之操亦非能偃蹇爲高此又諸賢所當深察者也近奉初教便自希得托迹於客遊之末而固辭榮級其故何耶以古之王侯大人或以此延四方之士甚美者則有輻湊燕路慕君王之義曠鑣魏闕高公子之仁繼有追申白而入楚義鄒枚而遊梁吾非敢叨夫冀賢庶欲從九九之遺蹤既於聞道集泮不殊而幸無職司拘礙可得奉溫清展私計志在此爾除步兵校尉並不拜瓛姿狀纖小儒學冠於當時京師士子貴遊莫不下席受業性謙率通美不以高名自居遊詣故人唯一門生持胡牀隨後主人未通便坐問客住

在檀橋瓦屋數間上皆穿漏學徒敬慕不敢指斥呼爲青溪焉竟陵王子良親往脩謁七年表世祖爲瓛立館以揚烈橋故主第給之生徒皆賀瓛曰室美爲人災此華宇豈吾宅邪幸可詔作講堂猶恐見害也未及徙居遇病子良遣從學學者彭城劉綸順陽范縝將廚於瓛宅營齊及卒門人受學並弔服臨送時年五十六瓛有至性祖母病疽經年手持膏藥漬指爲爛母孔氏甚嚴明謂親戚曰阿稱便是今世曾子阿稱瓛小名也年四十餘未有婚對建元中太祖與司徒褚淵爲瓛娶王氏女王氏極壁挂履上落孔氏牀上孔氏不悅瓛卽出其妻及居父喪不出廬足爲之屈杖不能起今上天監元年年下詔爲瓛立碑諡曰貞簡先生所著文集皆是禮義行於世初瓛講月令畢謂學生嚴植曰江左以來陰陽律數之學廢矣吾今講此會不得其髣髴時濟陽蔡仲熊禮學博聞謂人曰凡鍾律在南不容復得調平昔五音金石本在中土今既來南土氣偏陵音律乖爽仲熊歷安西記室尚書左丞

祖冲之

按南齊書文學傳冲之字文遠范陽割人也祖昌宋大匠卿父朔之奉朝請冲之少稽古有機思宋孝武使直華林學省賜宅宇車服解褐南徐州迎從事公府參軍宋元嘉中用何承天所制曆比古十一家爲密冲之以爲尚疎乃更造新法上表曰臣博訪前墳遠稽昔典五帝聽大天王交分春秋朔氣紀年薄蝕談遷載述彪固列志魏世注歷管代起居探異今古觀要華戎書契以降二千餘稔日月離會之徵星度

疎密之驗專功耽思咸可得而言也加以親量圭尺躬察儀漏目盡毫釐心窮籌策考課推移又曲備其詳矣然而古曆疎舛類不精密羣民糾紛莫審其會尋何承天所上意存改革而置法簡略今已乖遠以臣校之三觀厥謬日月所在差覺三度二至晷景殘失一日五星見伏至差四旬留逆進退或移兩宿分至失實則節閏非正宿度違天則伺察無准臣生屬聖辰詢逮在運敢率愚瞽更創新曆謹立改易之意有二設法之情有三改易者一以舊法一章十九歲有七閏閏數為多經二百年輒差一日節閏既移則應改法曆紀屢遷實由此條今改章法二百九十一年有一百四十四閏令却合周漢則將來永用無復差動其二以堯典云日短星昴以正仲冬以此推之唐世冬至日在合宿之左五十許度伐之初即秦曆冬至日在牽牛六度漢武改立太初曆冬至日在牛初後漢四分法冬至日在斗二十二晉世姜岌以月蝕檢日知冬至在斗十七今參以中星課以蝕望冬至之日在斗十一通而計之未盈百載所差二度舊法竝令冬至日有定處天數既差則七曜宿度漸與舛訛乖謬既著輒應改易僅合一時莫能通遠遷革不已又由此條今令冬至所在歲歲微差却檢漢注竝皆審密將來久用無煩屢改又設法者其一以子為辰首位在正北又應初九升氣之端虛為北方別宿之中元氣肇初宜在此次前儒虞喜備論其義今曆上元日度發自虛一其二以日辰之號甲子為先曆法設元應在此歲而黃帝以來世代所用凡十一曆上元之歲莫值此名今曆上元歲在甲子其三以

上元之歲曆中衆條並應以此為始而景初曆交會遲疾元首有差又承天法日月五星各自有元交會遲疾亦並置差裁得朔氣合而已條序紛錯不及古意今設法日月五緯交會遲疾悉以上元歲首為始羣流共源庶無乖誤若夫測以定形據以實効懸象著明尺表之驗可推動氣幽微寸管之候不忒今臣所立易以取信但綜數始終大存緩密革新變舊有約有繁用約之條理不自懼用繁之意顧非謬然何者夫紀閏參差數各有分分之為體非不細密臣是用深惜毫釐以全求妙之准不辭積累以成永定之製非為思而莫知悟而弗改也若所上萬一可採伏願宣羣司賜垂詳究事奏孝武令朝士善曆者難之不能屈會帝崩不施行出為襄縣令謁者僕射初宋武平關中得姚興指南車有外形而無機巧每行使人于內轉之昇明中太祖輔政使冲之追修古法冲之改造銅機圓轉不窮而司方如一馬均以以來未有也時有北人索駿驛者亦云能造指南車太祖使與冲之各造使於樂遊苑對共校試而頗有差僻乃毀焚之末明中竟陵王子良好古冲之造欽器獻之文惠太子在東宮見冲之曆法啓世祖施行文惠尋薨事又寢轉長水校尉領本職冲之造安邊論開屯田廣農殖建武中明帝使冲之巡行四方興造大業可以利百姓者會連有軍事事竟不行冲之解鍾律博塞當時獨絕莫能對者以諸葛亮有木牛流馬乃造一器不因風水施機自運不勞人力又造千里船於新亭江試之日行百餘里於樂遊苑造木碓磨世祖親自臨視又特善算末元二年冲之卒年七十

陸厥 廣矣

二著易老莊義釋論語孝經注九章造綴述數十篇按南齊書文學傳厥字韓卿吳郡吳人揚州別駕開子也厥少有風采好屬文五言詩體甚新奇末明九年詔百官舉士同郡司徒左西掾顧嵩之表薦焉州舉秀才王晏少傳主簿遷後軍行參軍末明末盛為文章吳興沈約陳郡謝朓琅邪王融以氣類相推較汝南周顒善識聲韻約等文皆用官商以平上去入為四聲以此制韻不可增減世呼為末明體沈約宋書謝靈運傳後又論官商厥與約書曰范曄事自序性別官商識清濁特能適輕重清難古今文人多不全了斯處縱有會此者不必從根本中來沈尚書亦云自靈均以來此秘未覩或聞與理合匪由思至張蔡曹王曾無先覺潘陸顏謝去之彌遠大旨鈞使宮商相變低昂舛節若前有浮聲則後須切響一簡之內音韻盡殊兩句之中輕重悉異辭既美矣理又善焉但觀歷代衆賢似不都闕此處而云此秘未覩近於誣乎案范云不從根本中來尚書云匪由思至斯可謂揣情謬於元黃摘句差其音律也范又云時有會此者尚書云或聞與理合則美詠清謳有辭章調韻者雖有差謬亦有會合推此以往可得而言夫思有離合前哲同所不免文有開塞即事不得無之子建所以好人譏彈士衡所以遺恨終篇既曰遺恨非盡美之作理可詆訶君子執其詆訶便謂合理為闇豈如指其合理而寄詆訶為遺恨邪自魏文屬論深以清濁為言劉楨奏書大明體勢之致咀嚙妥帖之談揆末續顯之說與元黃于律呂比五音之相宜

苟此秘未親茲論爲何所指邪故愚謂前英已早識
官微但未屈曲指的若今論所伸至于掩瑕藏疾合
少謬多則臨瀟所云人之著述不能無病者也非知
之而不改謂不改則不知斯曹陸又稱竭情多悔不
可力強者也今許以有病有悔爲言則必自知無悔
無病之地引其不了不合爲閣何獨誣其一合了一
之明乎意者亦質文時異古今好殊將急在情物而
緩於章句情物文之所急美惡猶且相半章句意之
所緩故合少而謬多義兼于斯必非不知明矣長門
上林殆非一家之賦洛神池馬便成二體之作孟堅
精正詠史無虧于東主平子快富羽獵不累于憑虛
王粲初征他文未能稱是楊修敏捷暑賦彌日不獻
率意寡尤則事促乎一日翳翳愈伏而理賒于七步
一人之思遲速天懸一家之文工拙壤隔何獨官商
律呂必責其如一邪論者乃可言未窮其致不得言
曾無先覺也約答曰官商之聲有五文字之別累萬
以累萬之繁配五聲之約高下低昂非思力所舉又
非止若斯而已也十字之文顛倒相配字不過十巧
歷已不能盡何況復過於此者乎靈均以來未經用
之於懷抱固無從得其髣髴矣若斯之妙而聖人不
尚邪此蓋曲折聲韻之巧無當于訓義非聖哲立言
之所急也是以子雲譬之雕蟲篆刻云壯夫不爲自
古辭人豈不知官羽之殊商徵之別雖知五音之異
而其中參差變動所昧實多故鄙意所謂此秘未親
者也以此而推則知前世文士便未悟此處若以文
章之音韻同絃管之聲曲則美惡妍蚩不得頓相乖
反譬由于野操曲安得忽有闌絃失調之聲以洛神

比陳思他賦有似異手之作故知天機啓則律呂自
調六情滯則音律頓舛也士衡雖云炳若緡錦章有
濯色江波其中復有一片是衡文之服此則陸生之
言即復不盡者矣韻與不韻復有精粗輪扁不能言
老夫亦不盡辨此末元元年始安王遙光反厥父閑
被誅厥坐繫尚方尋有赦令厥恨父不及感慟而卒
年二十八文集行於世
會稽虞炎末明中以文學與沈約俱爲文惠太子所
遇意舛殊常官至驃騎將軍

謝朓

按南齊書本傳朓字元暉陳郡陽夏人也祖述吳興
太守父緯散騎侍郎朓少好學有美名文章清麗解
褐豫章王太尉行參軍歷隨王東中郎府轉王儉衛
軍東閣祭酒太子舍人隨王鎮西功曹轉文學子隆
在荊州好辭賦數集僚友朓以文才尤被賞愛流連
晤對不捨日夕長史王秀之以朓年少相動密以啓
聞世祖勅曰侍讀虞雲自宜恆應侍接朓可還都朓
道中爲詩寄西府曰常恐鷹隼擊秋菊萎嚴霜寄言
尉羅者寥廓已高翔遷新安王中軍記室朓賤辭子
隆曰朓聞漢汗之水思朝宗而每竭驚蹇之乘希沃
若而中疲何則卑壤搖落對之惆悵岐路東西或以
鳴悒况乃服義徒擁歸志莫從遑若望雨飄似秋帶
眺實庸流行能無算屬天地休明山川受納褒採一
介搜揚小善捨棄未場國奉羊兔園東泛三江西浮七
澤契闊戎旃從容識語長裾日曳後乘載脂榮立府
廷思加顏色沐髮臨陽未測涯涘撫臆論報早誓肌
骨不悟滄溟未運波臣自蕩渤解方春旅酬先謝清

切蕃房寂寥舊事輕舟反泝弔影獨留白雲在天龍
門不見去德滋未思德滋深唯待青江可望候歸艎
於春渚朱邸方開効蓮心於秋實如其簪履或存衽
席無改雖復身填溝壑猶望妻子知歸攜涕告辭悲
來橫集尋以本官兼尚書殿中郎陸昌初勅朓接北
使朓自以口訥啓議不當見許高宗輔政以朓爲驃
騎諮議領記室掌轄府文筆又掌中書詔詰除祿書
丞未拜仍轉中書郎出爲宣城太守以選復爲中書
郎建武四年出爲晉安王鎮北諮議南東海太守行
南徐州事啓王敬則反謀上甚嘉賞之遷尚書吏部
郎朓上表三讓中書疑朓官未及讓以問祭酒沈約
約曰宋元嘉中范曄讓吏部朱修之讓黃門蔡興宗
讓中書並三表詔答具事宛然近世小官不讓遂成
恆俗恐此有乖讓意王藍田劉安西並貴重初不自
讓今豈可慕此不讓邪孫興公孔顓並讓記室今豈
可三署皆讓邪謝吏部今授超階讓別有意豈關官
之大小搗讓之美本出人情若大官必讓便與諸閥
章表不異例既如此謂都自非疑朓又啓讓上優答
不許朓善草諫長五言詩沈約常云二百年來無此
詩也敬皇后遷祔山陵朓撰哀策文齊世莫有及者
東昏失德江祔欲立江夏王寶元末更回惑與弟祀
密謂朓曰江夏年少輕脫不堪負荷神器不可復行
廢立始安年長入纂不乖物望非以此要富貴政是
求安國家耳遙光又遣親人劉渢密致意于朓欲以
爲肺附朓自以受恩高宗非渢所言不肯答少日遙
光以朓兼知衛尉事朓懼見引即以祐等謀告左典
盛劉暄與盛不敢發言祔聞以告遙光遙光大怒乃

稱勅名朕仍回車付廷尉與徐孝嗣祜暉等連名啓誅朕曰謝朓資性險薄大彰遠近王敬則往構凶逆微有誠効自爾昇擢超越倫伍而豁整無厭著于觸事比遂扇動內外處處奸說妄貶乘與竊論宮禁間誘親賢輕議朝宰醜言異計非可具聞無君之心既著共棄之誅宜及臣等參議宜下北里肅正刑書詔公等啓事如此朕資性輕險久彰物議直以彫蟲薄伎見齒衣冠昔在渚宮構扇蕃邸日夜從諛仰窺俯畫及還京師臆自宣露江漢無波以爲己功素論于茲而畫稽紳所以側目去夏之事頗有微誠賞擢曲加踰過倫序感悅未聞陵競觸著遂復矯構風塵妄惑朱紫詆貶朝政疑間親賢巧言利口見醜前志涓流纖孽作戒遠圖宜有少正之刑以申去害之義便可收付廷尉肅明國典又使御史中丞范岫奏收朕下獄死時年三十六朕初告王敬則敬則女爲朕妻常懷刀欲報朕朕不敢相見及爲吏部郎沈昭略謂朕曰卿人地之美無忝此職但恨今日刑于寡妻朕臨敗歎曰我不殺王公王公由我而死

孔稚珪

按南齊書本傳稚珪字德璋會稽山陰人也祖道隆位侍中父靈產泰始中罷督安太守有隱遁之懷于禹井山立館事道精篤吉日於靜屋四向朝拜涕泗滂沱東出過錢塘北郭輒于舟中遙拜杜子恭墓自此至都東向坐不敢背側元微中爲中散大中大夫頗解星文好術數太祖輔政沈攸之起兵靈產密白太祖曰攸之兵衆雖強以天時冥數而觀無能爲也太祖驗其言擢遷光祿大夫以簾盛靈產上靈臺令

其占候倚靈產曰羽扇素隱凡曰君性好古故遺君古物稚珪少學涉有美譽太守王僧虔見而重之引爲主簿州舉秀才解褐宋安成王車騎法曹行參軍轉尚書殿中郎太祖爲驃騎以稚珪有文翰取爲記室參軍與江淹對掌辭筆遷正員郎中書郎尚書左丞父憂去官與兄仲智還居父山舍仲智妾李氏驕妬無禮稚珪白太守王敬則殺之服闋爲司徒從事中郎州治中別駕從事史本郡中正永明七年轉驍騎將軍復領左丞遷黃門郎左丞如故轉太子中庶子廷尉江左相承用晉世張杜律二十卷世祖留心法令數訊囚徒詔獄官詳正舊註先是七年尚書刪定郎王植撰定律章表奏之曰臣尋晉律文簡辭約旨通大綱事之所質取斷難釋張裴杜預同注一章而生殺永殊自晉泰始以來唯斟酌參用是則吏挾威福之勢民懷不對之怨所以溫舒獻辭于失政終侯慷慨而與歎皇運革祚道冠前王陛下紹興光開帝業下車之痛每側上仁滿堂之悲有矜聖思爰發德音刪正刑律勅臣集定張杜二注謹禱愚蒙盡思詳撰削其煩害錄其允衷取張注七百三十一條杜注七百九十一條或二家兩釋于義乃備者又取一百七條其注相同者取一百三條集爲一書凡一千五百三十二條爲二十卷請付外詳校適其違謬從之于是公卿八座參議考正舊注有輕重處竟陵王子良下意多使從輕其中朝議不能斷者制旨平決至九年稚珪上表曰臣聞匠萬物者以繩墨爲正取大國者以法理爲本是以古之聖王臨朝思理遠防邪萌深杜奸漸莫不資法理以成化明刑賞以樹功

者也伏惟陛下下躡曆登皇東圖踐帝天地更築日月再張五禮裂而復縫六樂積而爰緝乃發德音下明詔降恤刑之文申慎罰之典敕臣與公卿八座共刪注律謹奉聖主諮審司徒臣子良稟受成規創立條緒便兼監臣朱躬兼平臣王植等抄撰同異定其去取詳議八座裁正大司馬臣疑其中洪疑大議衆論相背者聖照元覽斷自天筆始就成立律文二十卷錄敘一卷凡二十一卷今以奏聞請付外施用宣下四海臣又聞老子仲尼曰古之聽獄者求所以生之今之聽獄者求所以殺之與其殺不辜寧失有罪是則斷獄之職自古所難矣今律文雖定必須用之失其平不異無律律書精細文約例廣疑似相傾故誤相亂一乖其綱枉濫橫起法吏更無解脫猶結于獄中今府州郡縣千有餘獄如令一獄歲枉一人則一年之中枉死千餘矣冤毒之死上千和氣聖明所急不可不防致此之由又非但律吏之咎列邑之宰亦亂其經或以軍動餘力或以勞吏暮齒猶憤渴氣忍并生靈昏心狠惡吞剝氓物虐理殘其命曲文被其罪冤積之興復緣斯發獄吏雖良不能爲用使于公哭于邊城孝婦冤于遐外陛下雖欲宥之其已血濺九泉矣尋古之名流多有法學故釋之定國聲光漢臺元常文惠續映魏閣今之士子莫肯爲業縱有習者世議所輕良由空慙永歲不逢一朝之賞積學當年終爲閭伍所嗤將恐此書永墜下走之手矣今若弘其傳實開其勸慕課業宦流班習胥子拔其精究使處內局簡其才良以居外任方岳咸選其能邑

長並擢其術則卑絲之謀指掌可致杜郭之業鬱焉何遠然後奸邪無所逃其刑惡吏不能藏其詐如身手之相驅若絃括之相接矣臣以疎短謬司大理陛下發自聖衷憂矜刑網御延奉訓遠照民瘼臣謹仰述天官伏奏雲陛所奏繆允者宜寫律上國學置律學助教依五經例國子生有欲讀者策試上過高第即便擢用使處法職以勸士流詔報從納事竟不行轉御史中丞遷驛騎長史轉輔國將軍建武初遷冠軍將軍平西長史南郡太守稚珪以虜連歲南侵征役不息百姓死傷乃上表曰匈奴爲患自古而然雖三代智勇兩漢權奇算略之要二塗而已一則鐵馬風馳奮威沙漠二則輕車出使通驛虜廷推而言之優劣可觀今之議者咸以丈夫之氣恥居物下况我天威寧可先屈吳楚勁猛帶甲百萬截彼鯨鯢何往不碎請和示弱非國計也臣以爲戎狄獸性本非人倫鳴鳴狼踞不足喜怒蜂目蠶尾何關美惡唯宜勝之以深權制之以遠竿弘之以大度處之以蠱賊豈足肆天下之忿捐蒼生之命發雷電之怒爭蟲鳥之氣百戰百勝不足稱雄橫屍千里無益上國而蟻聚蠶攢窮誅不盡馬足毛羣難與競逐漢高橫威海表窘迫長圍孝文國富刑清事屈陵辱宣帝撫納安靜朔馬不驚光武卑辭厚禮塞山無需是兩京四主英濟中區輸寶貨以結和遣宗女以通好長轡遠馭子孫是賴豈不欲戰惜民命也唯漢武藉五世之資承六合之富驕心奢志大事匈奴遂連兵積歲轉戰千里長驅瀚海飲馬龍城雖斬獲名王屠走凶羯而漢之器甲十七其九故衛霍出關千隊不反武師入漢

百旅頓降李廣敗于前鋒李陵沒于後陣其餘奔北不可勝數遂使國儲空懸戶口減半好戰之功其利安在戰不及和相去何若自西朝不綱東晉遷鼎羣胡沸亂羌狄交橫荆棘橫於陵廟豺虎咆于宮闈山淵反覆黔首塗地逼迫崩騰開闢未有是時得失略不稍陳近至元嘉多年無事末路不量復挑強敵遂乃連城覆徙虜馬飲江青徐之際草木爲人耳建元之初胡虜犯塞永明之始復結通和十餘年間邊候且息陛下張天造曆駕日登皇聲震宇宙勢壓河岳而封豕殘魂未屠劍首長蛇餘喘偷覓外甸烽亭不靜五載於斯昔歲蟻蟻棲食樊漢今茲蟲毒浸淫未已典師十萬日費千金五歲之費寧可貲計陛下何惜匹馬之驛百金之路數行之詔誘此凶頑使河塞息肩關境全命蓄甲養民以觀彼弊我策若行則爲不世之福若不從命不過如戰失一隊耳或云遣使不受則爲辱命夫以天下爲量者不計細恥以四海爲任者寧顧小節一城之沒尚不足惜一使不反會何取慙且我以權取貴得我略行何嫌其恥所謂尺蠖之屈以求伸也臣不言遣使必得和自有可和之理猶如欲戰不必勝而有可勝之機耳今宜早發大軍廣張兵勢飽犀甲於岷峨命樓船於浦海使自青徂豫候騎星羅沿江入漢雲陣萬里據險要以奪其魂斷糧道以折其膽多設疑兵使精鎗而計亂固列金湯使神茹而慮屈然後發吏詔馳輕驛辨辭重幣陳列吉凶北虜頑而愛奇貪而好貨畏我之威喜我之賂畏威喜賂願和必矣陛下用臣之啓行臣之計何憂玉門之下而無款塞之胡哉彼之言戰既慙慙

臣之言和亦憊關伏願察兩途之利害檢二事之多少聖照元省灼然可斷所表謬奏希下之朝省使同博議臣謬荷殊恩奉佐侯岳敢肆聲直伏奏千里帝不納徵侍中不行留本任稚珪風韻清疎好文詠飲酒七八斗與外兄張融情趣相得又與琅邪王恩遠廬江何點點弟引並款交不樂世務居宅營營山水憑機獨酌傍無雜事門庭之內草萊不剪中有蛙鳴或問之曰欲爲陳蕃乎稚珪笑曰我以此當兩部鼓吹何必期效仲舉末元元年爲都官尚書遷太子詹事加散騎常侍三年稚珪疾東昏屏除以牀舉走因此疾其遂卒年五十五贈金紫光祿大夫

下彬

按南齊書文學傳彬字士蔚濟陰宛句人也祖嗣之中領軍父延之有剛氣爲上虞令彬才操不羣文多指刺州辟西曹主簿奉朝請員外郎宋元徽末四貴輔政彬謂太祖曰外間有童謠云可憐可念尸著服孝子不在日代哭哭管覽鳴死滅族公頗聞不時王蘊居父憂與袁粲同死故念尸著服也服者衣也褚字邊衣也孝除子以日代者謂褚濕也列管蕭也彬退太祖笑曰彬自作此齊臺初建彬又曰誰謂宋遠政子望之太祖聞之不加罪也除右軍參軍家貧出爲南康郡丞彬頗飲酒擯棄形骸作蚤虱賦序曰余居貧布衣十年不制一袍之縕有生理所託資其寒暑無與易之爲人多病起居甚疎餐餼敗絮不能自釋兼攝性懈惰嬾事皮膚潔刷不謹澣沐失時四體耗耗加以臭穢故草席蓬纓之間蚤虱猥流淫癢潰潰無時恕肉探揣搔撮日不替手虱有諺言朝生暮孫

若吾之虱者無湯沐之慮絕相甲之憂宴聚乎久襟爛布之裳服無改換招鬪不能加脫略緩懶復不懃于捕討孫孫息息三十五歲焉其略言皆實錄也除南海王國郎中令尚書比部郎安吉令車騎記室彬性飲酒以瓠壺瓢勺杭皮爲肴著帛冠十二年不改易以大瓠爲火籠什物多諸詭異自稱十田居婦爲傳蠶室或諫曰卿都不持操名器何由得升彬曰擲五木子十擲輒驗豈復是擲子之拙吾好擲正極此耳永元中爲平越長史綏建太守卒官彬又目禽獸云牛性淫而很猪性卑而率鵠性頑而傲狗性險而出皆指斥貴勢其蝦蟆賦云紆青拖紫名爲蛤魚世謂比令僕也又云科斗唯羣浮闊水維朝繼父事役如鬼比令史諮事也文章傳於閭巷永明中琅邪諸葛勛爲國子生作雲中賦指祭酒以下皆有形似之目坐繫東冶作東冶徒賦世祖見赦之又有陳郡袁淑自重其文謂人云我詩應須大材造之不爾飛去建武末爲諸暨令被王敬則所殺

賈淵

按南齊書文學傳淵字希鏡平陽襄陵人也祖焉之晉員外郎父匪之驃騎參軍世傳誦學孝武世青州人發古冢銘云青州世子東海女郎帝問學士鮑照徐爰蘇寶生並不能悉淵對曰此是司馬越女嫁荀晞兒檢訪果然由是見遇勅淵注郭子太始初辟丹陽郡主簿奉朝請太學博士安成王撫軍行參軍出爲丹徒令昇明中太祖嘉淵世學取爲驃騎參軍武陵王國郎中令補餘姚令未行仍爲義興郡丞永明初轉尚書外兵郎歷大司馬司徒府參軍竟陵王子

良使淵撰見客譜出爲句容令先是譜學未有名家淵祖焉之廣集百氏譜記專心治業晉太元中朝廷給蜀之令史書吏撰定繕寫藏祕閣乃遷左民曹淵父及淵三世傳學凡十八州氏族譜合百帙七百餘卷該究精悉當世莫比永明中衛軍王儉抄次百家譜與淵參懷撰定建武初淵遷長水校尉荒倉人王泰寶買襲琅邪譜尚書令王晏以啓高宗淵坐被求當極法于樓長謝罪稽顙流血朝廷哀之免淵罪數年始安王遙光板撫軍諮議不就仍爲北中郎參軍中興元年卒年六十二撰氏族要狀及人名書並行于世

劉繪

按南齊書本傳繪字士章彭城人太常俊弟也父勳宋末權貴門多人客使繪與之共語應接流暢動喜曰汝後若東帶立朝可與賓客言矣解褐著作郎太祖太尉行參軍太祖見而歎曰劉公爲不亡也豫章王嶷爲江州以繪爲左軍主簿隨鎮江陵轉鎮西外兵曹參軍驃騎主簿繪聰警有文義善隸書數被賞召進對華敏僚吏之中見遇莫及琅邪王詡爲功曹以吏能自進疑謂僚佐曰吾雖不能得應嗣陳蕃然閣下自有二翼也復爲司空記室錄事轉太子洗馬大司馬諮議錄事時豫章王嶷與文惠太子以年秩不同物論謂官府有疑繪苦求外出爲南康郡相事之暇專意講說上左右陳洪請假南還問繪在郡何似既而問之曰南康是三州喉舌應須治幹豈可以年少講學處之邪徵還爲安陸王護軍司馬轉中書郎掌詔諂助國子祭酒何引撰治禮儀永明末

京邑人士盛爲文章談義皆湊竟陵王西邸繪爲後進領袖機悟多能時張融周顒並有言曰融音旨緩韻顒辭致綺捷繪之言吐又頓挫有風氣時人爲之語曰劉繪貼宅別開一門言在二家之中也魚復侯子譽誅後豫章王嶷欲求葬之名繪言其事使爲表繪求紙筆須臾便成疑惟足八字云提攜鞠養俯見成人乃歎曰爾衡何以過此後北虜使來繪以辭辯救接虜使事畢當撰語辭繪謂人曰無論潤色未易但得我語亦難矣事兄悛恭謹與人語呼爲使君隆昌中悛坐罪將見誅繪伏聞請代兄死高宗輔政救解之引爲鎮軍長史轉黃門郎高宗爲驃騎以繪爲輔國將軍諮議領錄事典筆翰高宗卽位遷太子中庶子出爲寧朔將軍撫軍長史安陸王寶暉爲湘州以繪爲冠軍長史長沙內史行湘州事將軍如故寶暉妃悛女也寶暉愛其侍婢繪奪取具以啓聞寶暉以爲恨與繪不協遭母喪去官有至性持喪墓下三年食粗糲服闋爲寧朔將軍晉安王征北長史南東海太守行南徐州事繪雖豪俠常惡武事雅善博射未嘗跨馬兄悛之亡朝議贈平北將軍雍州刺史詔書已出繪請尚書令徐孝嗣改之及梁王義師起朝廷以繪爲持節督雍梁南北秦四州郢州之竟陵司州之隨郡諸軍事輔國將軍領軍蠻校尉雍州刺史固讓不就衆以朝廷昏亂爲之寒心繪終不受東昏改用張欣泰繪轉建安王驍騎長史行府國事義師圍城南兗州刺史張稷總城內軍事與繪情款異常將謀廢立開語累夜東昏殞城內道繪及國子博士范雲等送首詣梁王於石頭轉大司馬從事中郎中

興二年卒年四十五繪撰能書人名自云善飛白言
論之際頗好矜詡弟瑱字士溫好文章飲酒奢逸不
吝財物榮陽毛惠遠善畫馬瑱善畫婦人世並爲第
一官至吏部郎先繪卒

第三十三卷目錄

文學名家列傳二十一

梁一

江淹

到溉

謝朓

丘遲

何遜

張充

到沆

到洽

任昉

劉苞

沈約

文學典第三十三卷

文學名家列傳二十一

梁一

江淹

按梁書本傳淹字文通濟陽考城人也少孤貧好學沈靜少交遊起家南徐州從事轉奉朝請宋建平王景素好士淹隨景素在南兖州廣陵令郭彥文得罪辭連淹繫州獄淹獄中上書曰昔者賤臣叩心飛霜擊於燕地庶女告天振風襲於齊臺下官每讀其書

未嘗不廢卷流涕何者士有一定之論女有不易之行信而見疑貞而爲戮是以壯夫義士伏死而不顧者此也下官聞仁不可恃善不可依始謂徒語乃今知之伏願大王覽停左右少加憐鑒下官本蓬戶桑樞之民布衣韋帶之士退不飾詩書以驚恩進不買名聲於天下日者謬得升降承明之闕出入金華之殿何嘗不局影凝嚴側身局禁者半竊慕大王之義爲門下之賓備鳴盜淺術之餘諫三五賤伎之末大王惠以恩光聘以顏色實佩荆卿黃金之賜竊感豫讓國士之分矣嘗欲結纆伏劍少謝萬一剖心摩踵以報所天不圖小人固陋坐貽謗缺迹墜昭憲身限幽囹圄影弔心酸鼻痛骨下官聞虧名爲辱虧形次之是以每一念來忽若有遺加以涉旬月迫季秋天光沉陰左右無色身非木石與獄吏爲伍此少卿所以仰天握心泣盡而繼之以血者也下官雖乏鄉曲之譽然嘗聞君子之行矣其上則隱於簾肆之間臥於巖石之下次則結綬金馬之庭高議雲臺之上次則虜南越之君係單于之頸俱啓丹闕並圖青史寧當爭分寸之末競刀錐之利哉然下官聞積毀銷金積譏糜骨古則直生取疑於盜金近則伯魚被名於不義彼之二才猶或如此況在下官焉能自免昔上將之恥絳侯幽獄名臣之羞史遷下室如下官尚何言哉夫魯連之智辭祿而不反接輿之賢行歌而忘歸子陵閉關於東越仲蔚杜門於西秦亦良可知也若使下官事非其虛罪得其實亦當鉗口吞舌伏叱首以殞身何以見齊魯奇節之人燕趙悲歌之士乎方今聖歷欽明天下樂業青雲浮雜榮光塞河西泊

臨洮狄道北距飛狐陽原莫不浸仁沐義照景飲體而下官抱痛圖門含憤獄戶一物之微有足悲者仰惟大王少垂明白則梧丘之魂不愧於沈首鶴亭之鬼無恨於灰骨不任肝膽之切敬因執事以聞此心既昭死且不朽景素覽書即日出之尋舉南徐州秀才對策上第轉巴陵王國左常侍景素爲荊州淹從之鎮少帝即位多失德景素專據上流咸勸因此舉事淹每從容諫曰流言納禍二叔所以同亡抵局街怨七國於焉俱斃殿下不求宗廟之安而信左右之計則復見麋鹿霜露棲於姑蘇之臺矣景素不納及鎮京口淹又爲鎮軍參軍事領南東海郡丞景素與腹心日夜謀議淹知禍機將發乃贈詩十五首以諷焉會南東海太守陸澄丁艱淹自謂郡丞應行郡事景素用司馬柳世隆淹固求之景素大怒言於選部黜爲建安吳興令淹在縣三年昇明初齊帝輔政聞其才名爲尚書駕部郎驛騎參軍事俄而荊州刺史沈攸之作亂高帝謂淹曰天下紛紛若是君謂何如淹對曰昔項強而劉弱袁衆而曹寡羽號令諸侯卒受一劍之辱紹跨躡四州終爲奔北之虜此謂在德不在鼎公何疑哉帝曰聞此言者多矣試爲慮之淹曰公雄武有奇略一勝也寬容而仁恕二勝也賢能畢力三勝也民望所歸四勝也奉天子而伐叛逆五勝也彼志銳而器小一敗也有威而無恩二敗也士卒解體三敗也搢紳不懷四敗也懸兵數千里而同惡相濟五敗也故雖豺狼十萬而終爲我獲焉帝笑曰君談過矣是時軍書表記皆使淹具草相國建補記室參軍事建元初又爲驛騎建安王記室帶東武

令參掌詔冊并典國史尋遷中書侍郎永明初遷驍騎將軍掌國史出爲建武將軍廬陵內史視事三年還爲驍騎將軍兼尚書左丞尋復以本官領國子博士少帝初以本官兼御史中丞時明帝作相因謂淹曰君昔在尚書中非公事不妄行在官寬猛能折衷今爲南司足以震肅百寮淹答曰今日之事可謂當官而行更恐才劣志薄不足以仰稱明旨耳於是彈中書令謝朓司徒左長史王績護軍長史庾弘遠並以久疾不預山陵公事又奏前益州刺史劉俊梁州刺史陰智伯並賊貨巨萬輒收付廷尉治罪臨海太守沈昭略永嘉太守庾曇隆及諸郡二千石并大縣官長多被劾治內外肅然明帝謂淹曰宋世以來不復有嚴明中丞君今日可謂近世獨步明帝即位爲車騎臨海王長史俄除廷尉卿加給事中遷冠軍長史加輔國將軍出爲宣城太守將軍如故在郡四年還爲黃門侍郎領步兵校尉尋爲祕書監永元中崔惠景舉兵圍京城衣冠悉投名刺淹稱疾不往及事平世服其先見東昏未淹以祕書監兼衛尉固辭不獲免遂親職謂人曰此非吾任路人所知正取吾空名耳且天時人事尋當讎覆孔子曰有文事者必有武備臨事圖之何憂之有頃之又副領軍王瑩及義師至新林淹微服來奔高祖板爲冠軍將軍祕書監如故尋兼司徒左長史中興元年遷吏部尚書二年轉相國右長史冠軍將軍如故天監元年爲散騎常侍左衛將軍封臨沮縣開國伯食邑四百戶淹乃謂子弟曰吾本素宦不求富貴今之忝竊遂至於此平生言止足之事亦以備矣人生行樂耳須富貴何時

吾功名既立正欲歸身草萊耳其年以疾遷金紫光祿大夫改封醴陵侯四年卒時年六十二高祖爲素服舉哀賻錢三萬布五十匹諡曰憲伯淹少以文章顯晚節才思微退時人皆謂之才盡凡所著述百餘篇自撰爲前後集并齊史十志並行於世子爲襲封嗣自丹陽尹丞爲長城令

到沈

按梁書文學傳沈字茂瀝彭城武原人也曾祖彥之宋將軍父揭齊五兵尚書沈幼聰敏五歲時揭於屏風抄古詩沈請教讀一遍便能誦誦無所遺失既長勤學善屬文工篆隸美風神容止可悅齊建武中起家後軍法曹參軍天監初遷征虜主簿高祖初臨天下收拔賢俊甚愛其才東宮建以爲太子洗馬時文德殿置學士省名高才碩學者待詔其中使校定墳史詔沈通籍焉時高祖譙華元殿命羣臣賦詩獨詔沈爲二百字二刻使成沈於坐立奏其文甚美俄以洗馬管東宮書記散騎省優策文三年詔尚書郎在職清能或人才高妙者爲侍郎以沈爲殿中曹侍郎沈從父兄沈洽並有才名時皆相代爲殿中當世榮之四年遷太子中舍人沈爲人不自伐不論人長短樂安任助南鄉范雲皆友善其年遷丹陽尹丞以疾不能處職事遷北中郎諮議參軍五年卒官年三十高祖甚傷惜焉詔賜錢二萬布三十匹所著詩賦百餘篇

到溉

按梁書本傳溉字茂灌彭城武原人曾祖彥之宋驃騎將軍祖仲度驃騎江夏王從事中郎父坦齊中書

郎溉少孤貧與弟洽俱聰敏有才學早爲任所知由是聲名益廣起家王國左常侍轉後軍法曹行參軍歷殿中郎出爲建安內史遷中書郎兼吏部太子中庶子湘東王繹爲會稽太守以溉爲輕車長史行府郡事高祖敕王曰到溉非直爲汝行事足爲汝師間有進止每須詢訪遭母憂居喪盡禮朝廷嘉之服闋猶蔬食布衣者累載除通直散騎常侍御史中丞太府卿都官尚書鄧州長史江夏太守加招遠將軍入爲左民尚書溉身長八尺美風儀善容止所莅以清白自修性又率儉不好聲色虛室單牀傍無姬侍自外車服不事鮮華冠履十年一易朝服或至穿補傳呼清路示有朝章而已頃之坐事左遷金紫光祿大夫俄授散騎常侍侍中國子祭酒沈素謹厚特被高祖賞接每與對基從夕達旦溉第山池有奇石高祖戲與賭之并禮記一部溉並輸焉未進高祖謂朱昇曰卿謂到溉所輸可以送未溉斂板對曰臣既事君安敢失禮高祖大笑其見親愛如此後因疾失明詔以金紫光祿大夫散騎常侍就第養疾溉家門雍睦兄弟特相友爱初與弟洽常共居一齋洽卒後便捨爲寺因斷腥羶終身蔬食別營小室朝夕從僧徒禮誦高祖每月三致淨饌恩禮甚篤蔣山有延賢寺者溉家世創立故生平公倖咸以供焉略無所取性又不好交遊惟與朱昇劉之遴張綰同志友密及臥疾家園門可羅雀三君每歲時常鳴騶枉道以相存問置酒敘生平極歡而去臨終託張劉勒子孫以薄葬之禮卒時年七十二詔贈本官有集二十卷行於世時以溉洽兄弟比之陸故世祖贈詩曰魏世重

雙丁晉朝稱二陸何如今兩到復似寒竹

子鏡字圓照安西湘東王法曹行祭軍太子舍人早卒

鏡子蓋早聰慧起家著作佐郎歷太子舍人宣城王主簿太子洗馬尚書殿中郎嘗從高祖幸京口登北顧樓賦詩蓋受詔便就上覽以示溉曰蓋定是才子翻恐卿從來文章假手于蓋因賜溉連珠曰研磨墨以騰文筆飛毫以書信如飛蛾之赴火豈焚身之可吝必耄年其已及可假之於少蓋其見知實如此除丹陽尹丞太清亂赴江陵卒

到洽

按梁書本傳洽字茂公彭城武原人也宋驃騎將軍彥之曾孫祖仲度驃騎江夏王從事中郎父坦齊中書郎洽年十八為南徐州迎西曹行事洽少知名清警有才學士行謝朓文章盛於一時見洽深相賞好日引與談論每謂洽曰君非直名人乃亦兼資文武眺後為吏部洽去職眺欲薦之洽觀世方亂深相拒絕除晉安王國左常侍不就遂築室巖阿幽居者積歲樂安任助有知人之鑒與洽兄洽溉並善嘗訪洽於田舍見之歎曰此子日下無雙遂申拜親之禮天監初洽溉俱蒙擢用洽尤見知賞從弟沆亦相與齊名高祖問待詔丘遲日到洽何如沆溉對曰正清過於沆文章不減溉加以清言殆將難及即詔為太子舍人御華光殿詔洽及沆蕭琛任助侍燕賦二十韻詩以洽辭為工賜絹二十匹高祖謂助曰諸到可謂才子助對曰臣常竊議宋得其武梁得其文二年遷司徒主簿直待詔省敕使抄甲部書五年遷尚書

殿中郎洽兄弟羣從遷居此職時人榮之七年遷太子中舍人與庶子陸倕對掌東宮管記俄為侍讀侍讀省仍置學士二人洽復充其選九年遷國子博士奉敕撰太學碑十二年出為臨川內史在郡稱職十四年入為太子家令遷給事黃門侍郎兼國子博士十六年遷太子中庶子普通元年以本官領博士項之入為尚書吏部郎請託一無所行俄遷員外散騎常侍復領博士母憂去職五年復為太子中庶子領步兵校尉未拜仍遷給事黃門侍郎領尚書左丞準繩不避貴戚尚書省賄賂莫敢通時鑒與欲親戎軍國容禮多自洽出六年遷御史中丞彈糾無所顧望號為勁直當時肅清以公事左降給居職舊制中丞不得入尚書下舍洽見溉為左民尚書洽引服親不應有礙刺省詳決左丞蕭子雲議許入溉省亦以其兄弟素篤不能相別也七年出為貞威將軍雲慶長史尋陽太守大通元年卒於郡時年五十一贈侍中諡曰理子昭明太子與晉安王綱令曰明北克到長史遂相係凋落傷但悲惋不能已已去歲陸太常殂殁今茲二賢長謝陸生資忠履貞冰清玉潔文該四始學遍九流高情勝氣貞然直上明公儒學稽古淳厚篤誠立身行道始終如一倘值夫子必升孔堂到子風神開爽文義可觀當官莅事忿然無私皆海內之俊又東序之祕寶此之嗟惜更復何論但遊處周旋並淹歲序造膝忠規豈可勝說幸免祇悔實二三子之力也談對如昨音言在耳零落相仍皆成異物每一念至何時可言天下之寶理當惻愴近張新安又致故其人文筆弘雅亦足嗟惜隨弟府朝東西日

謝朓

按梁書本傳朓字敬冲陳郡陽夏人也祖弘微宋太常卿父莊右光祿大夫並有名前代朓幼聰慧莊器之常置左右年十歲能屬文莊遊土山賦詩使朓命篇朓攬筆便就琅邪王景文謂莊曰賢子足稱神童復為後來特達莊笑因撫朓背曰真吾家千金孝武帝遊姑孰敕莊攜朓從駕詔使為洞井贊於坐奏之帝曰雖小奇童也起家撫軍法曹行祭軍還太子舍人以父憂去職服闋復為舍人歷中書郎衛將軍袁粲長史粲性簡峻罕通賓客時人方之李膺朓謁既退粲曰謝令不死尋遷給事黃門侍郎出為臨川內史以賄見劾案經袁粲寢之齊高帝為驃騎將軍輔政選朓為長史敕與河南褚炫濟陽江敳彭城劉俱俱入侍宋帝時號為天子四友續拜侍中并掌中書散騎二省詔聞高帝進太尉又以朓為長史帶南東海太守高帝方圖禪代思佐命之臣以朓有重名深所欽屬論魏晉故事因曰晉革命時事久兆石苞不早勸晉文死方慟哭方之馮異非知機也朓答曰昔魏臣有勸魏武即帝位者魏武曰如有用我其為周文王乎晉文世事魏氏將必身終北面假使魏早依唐虞故事亦當三讓彌高帝不悅更引王儉為左長史以朓侍中領祕書監及齊受禪朓當日在直百僚陪位侍中當解璽朓伴不知曰有何公事傳詔云解璽授齊王朓曰齊自應有侍中乃引枕臥傳詔權乃使稱疾欲取兼人朓曰我無疾何所道遂朝服步